



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CLI. De Morte quorundam infidelium.

urn:nbn:de:hbz:466:1-11850

CAP. CL.

De

Bello fratrum de Redino & destructione civitatis ibidem.

Nullo posset ad plenum scribere vel dictare, quanta Fratres & Burgienses de Redino infra secundam apostasiam passi sunt pro defensione fidei Christianæ à Pruthenis, quia per illum locum quasi continuè fuit introitus & exitus ipsorum ad terram Colmensem. Referunt quidam, quod civitas de Redino duabus vicibus fuerit expugnata, captique & occisi, quicumque reperti fuerant homines ibidem.

CAP. CLI.

De

Morte quorundam infidelium.

DE Redino quidam & Martinus de Golin equitantes in solitudine ad videndum, si aliquid à casu occurreret eis, incaperunt in via errare, & in illo errore de tribus Viris Pruthenis occurrentibus eis duos occiderunt, tertium ut eos ad viam rectam duceret conservantes, qui duxit eos in terram inimicorum, cujus dolum dum viderent, occiderunt eum, & cum festinatione recedentes, à quinque Pruthenis equitibus ipsos sequentibus comprehensi sunt & ligati, commissique custodiae duorum. Sed tres Prutheni alii equum illius fratris, qui effugerat, sunt secuti. Quo facto, dum isti duo Martinum ligatum vellent evaginato gladio decollare, ipse svasit eis, ut prius ei vestes exuerent, ne sanguine macularentur, cui consentientes, dum Brachia

Mar.

Hanno de Sangerhausen VII. Mag. Gen. Ordinis Teut.

Conradus à Tiszberg Senior IX. Mag. Prov. in Prussia.

Martini solvissent, ipse erepto gladio ambos interfecit, & soluto fratre illo à vinculis, ambo processerunt contra tres alios & eos etiam peremerunt, & extunc ad castrum de Redino sine deviatione aliqua sunt reversi.

CAP. CLII.

*Item de Martino de Golin, & bello
ipsius mirabili.*

HOC etiam tempore XX. Prutheni Poloniam deprædati sunt de mandato fratrum de Redino. Martinus de Golin prædictus cum XVII. sociis sequebatur. Qui Prutheni reversi de Polonia invenerunt custodes Martini dormientes, & occiso uno alium postquam numerum sociorum ejus & locum ubi essent indicasset ad arborem ligaverunt. Quo facto irruerunt in eos hostiliter, Martino & sociis suis viriliter se defendentibus ex adverso; Multi sunt ex utraque parte graviter vulnerati. Quod cum videret quidam socius Martini, qui nudus fluvium vicinum ad capiendum cancos transnavit, reversus arripuit gladium & clypeum cujusdam interfecti, nudus intravit pugnam, qui horribiliter sectus & vulneratus ab eis, ita quod in pluribus locis magna frustra de suo corpore dependebant, adeo fuit inter eos durum bellum, quod, fatigati utraque parte voluntariè consentiente omnibus vicibus quieverunt, & toties novam pugnam resumptis viribus sunt aggressi. Tandem cum jam omnes Christiani & Prutheni essent mortui, ille custos, qui ligatus fuit ad arborem solutus à vinculis venit ad locum certaminis, & solum Martinum semivivum invenit, quem positum super vehiculum equos, arma, & res alias Pruthenorum secum duxit in Redinum.

CAP.